

# DE VERA CHRISTI ECCLESIA,

QVAESTIO NECESSARIA,  
*super Septimo Confessionis Aug-*  
*ustanae arti-*  
*culo,*

AD CAESAREAM MAIESTATEM,  
*ut Ratissponae in Conuentu Imperiali*  
*discutiatur.*

\*

Moguntiae ad diuum Victorem  
excudebat Franciscus  
Behem.

---

ANNO M. D. XLI.

DE VERE  
CHRISTIANI

A12

ALBANY 017 744 720

15. *Chrysomelidae* (10)

234

127 THEM. RALPHS. 11

• 0.0427

Magnus et alii de  
Societate Franciscana  
Belen.

144. 2. 2. 4. 1. 0.

# PRÆFA- TIO AD CAESA- REAM MAIESTA- TEM.



ERENISSIME, Potenti-  
tissimeq; ac inuictissime Impē-  
rator auguste, Domine omni-  
um clementissime, Sacra Cæs.  
Maiestas tua iam ultra XX.  
annos plurimam laboris, cu-  
rarumq; & impensarum cle-  
mentissima pietate in sese suscepit ac pertulit, ut  
Germanicam nationem inclytam totam rursus ad  
pacem & Catholicam in fide & religione unitatem  
perduceret: Eiusq; rei gratia multos indixit cele-  
brauitq; publicos sacri Rom. Imperij Conuentus,  
Vuormatiæ, Spiræ, Nurenbergæ, Augustæ, Ratspo-  
næ, &c. Quibus tamen hæctenus parum (proh do-  
lor) utilitatis aut profectus eo in negotio consecu-  
ti sumus: Nouissime uerò amicum instituit Collo-  
quium, per eruditos homines ex utraq; parte, nem-  
pe & Catholicorum & Protestantium, Vuormatiæ  
habendum, immò iam habitum, super controuersijs,  
in fide & religione obortis. Sed in eo quoq; parum  
adhuc effectum est, licet non parum temporis &

## PRAEFATIO.

Sumptuum ab utraq; parte eius rei gratia sit impensum. Quoniam uero utriusq; partis Concionatores & Doctores Theologi, uisi sunt ad pacē et unitatē propensi, ut omnis in fide & religione discordia tolli eorum studio queat, foret utiq; proxima & directissima ad componendam pacem uia, efficaciq; & optabile compendium, si sacratiss. Maiestas tua Cæsarea curet, iubeatq;, & efficiat, ut nunc in Ratissponensi Conuentu Imperiali, ante omnia diligentissime examinetur discutiaturq; & determinetur Septimus Augustanæ Confessionis Articulus, Vtpote, quænam sit uera Christi Ecclesia. In quo sanè præcipue totius religionis nostræ cardo uertitur, & ex eius ueritate maxime pendet animarū salus, Quæ admodum breui hoc libello clare demonstratur, qui Maiestati tuæ Augustissimæ supplici deuotione humillime offertur, summo cum desyderio pacis & unitatis, in publicū Germaniæ, immò totius Christianitatis, bonum, à Maiestate tua foeliciter procurande.

\*

E. Cæs. Maiestati T.

Perpetuò deuotus

Ioannes Cochleus.

## ARTICVLVS SEPTI

MVS AVGVSTANAE CON=

fessionis, de Ecclesia.



TSI non admodum magna est hic in sensu distantia, quidnam sit Ecclesia, inter Catholicos & Protestantes, maxima tamē est inter eos discrepantia, quænam, & ubinam sit uera Christi Ecclesia. Et hæc sanè discre-

pantia summum & extremum trahit post se animarum periculum, & in ea totius causæ status consistit, ac totius rei cardo uertitur. Si enim pars Protestantium esset uera Christi Ecclesia (sicut ipsorum concionatores iactitant, nocentissimeq; miseram simplicemq; plebem decipiunt) nemo præter eos saluari posset, Extra Ecclesiam enim nemo saluari potest, sicut extra arcam Noë nemo saluus permansit in diluuiio. Nisi igitur transiremus ad eos, nulla nobis esset spes reliqua salutis. Si autem uera Christi Ecclesia non est apud sectam ullam, siue nouam, siue ueterem, sed apud Catholicos tantum, necessarium est, ut omnes, quicumq; in ulla secta moriuntur, æternæ morti sint obnoxij. Hæc igitur quæstio summa cum diligentia seriò cōsyderanda est, & absq; ostentatione & pertinacia pie atq; sollicitè discutienda,

## DE ECCLESIA

qua recte discussa, mox totum cessabit dissidium.

Certe q̄ uera Orthodoxa & Catholica Christi Ecclesia non sit apud eos, qui Lutheri aut Zuinglij aut ullius alterius sectæ parti adherēt, sed apud eos, qui Romanæ coniuncti sunt Ecclesiæ, & Petri successorem pro uero & legitimo Ecclesiæ pastore habent, & obedienter agnoscunt, euidentissimis probari potest argumentis, quorum nonnulla breuiter commemorabimus.

## SEPTEM ARGVMENTA

pro Catholicis.

Mat. 16

**P** Rimum sane, ex illo uerbo Christi, Tu es Petrus, ( hoc est, saxum, sicut in Didymo suo exposuit ipsemet Philippus ) & super hanc petram, aut hoc saxum, ædificabo Ecclesiam meam, & portæ inferi non præualebunt aduersus eam. Etenim portæ inferi sunt tyranni & hæretici. Oppugnauerunt quidem illam utriq̄, Tyranni immaniſſime, ut Nero, Domitianus, Traianus, Diocletianus, &c. Hæretici acerrime, ut Nouatiani, Arriani, Donatistæ, Pelagiani, &c. sed præualere non potuerunt. Ipsi enim iam olim funditus interierunt, illa adhuc stabilis per dei gratiam permanet.

Luc. 22

2. Secundū, Ex altero uerbo Christi, Ego pro te rogavi

rogavi Petre, ut non deficiat fides tua, & tu aliquan-  
do conuersus confirma fratres tuos. Hoc certe uer-  
bum ueritatis de nulla alia in toto mundo Ecclesia  
recte dici aut intelligi potest, q̄ de Romana, Non de  
Antiochena, non de Alexandrina, quæ post illam in-  
ter Patriarchales & præcipuas Ecclesias summum  
tenebant locum. Neq; item de Constantinopolitana,  
quæ stultè superbiens Patriarcham suum ausa fuit  
dicere uniuerſalem. Neq; etiam de Hierosolymita-  
na, licet omnium antiquissima. Nec de ulla alia, quan-  
tumuis olim celebri & ab Apostolis fundata Eccle-  
sia, ut Ephesina, Theſſalonicenſi, Philippenſi, Co-  
rinthiorum, &c. In ſola enim Romana Ecclesia per  
tot ſæculorum curricula nunquam defecit fides Ca-  
tholica. Ergo maxime & proprie conuenit Rom.  
Pontifici, confirmare fratres ſuos in fide. Quiſquis  
igitur fidem eius reſpuit, is in uera Chriſti ( cuius  
Vicarium non agnoſcit ) Ecclesia non eſt.

3. Tertium. Ex alio rursus uerbo Chriſti: Petre  
pascas me plus his? Pſce oues meas, Pſce agnos me-  
os. Quid eſt ergo, Plus his? ſi nihil eminentiæ præ  
alijs Apoſtolis & diſcipulis Chriſti haberet Petrus,  
& Petri ſucceſſor in Ecclesia, Cur diceret, Plus his?  
Aut ſi uolebat omnes Apoſtolos & diſcipulos ſuos  
æqualiter eſſe paſtores ouium ſuarum, cur non di-  
cebat potius ad omnes, Paſcite, q̄ ad unum Petrum,



## DE ECCLESIA

Pasce oues meas? Recte igitur intelligimus Rom. Pontificem, quando dicimus in Ecclesia, Oremus pro pastore nostro. Quia Petrus à Domino constitutus est supremus pastor. Quapropter omnes, qui sub hoc pastore esse nolunt, oues Christi non sunt, nec in ouili Christi locum habere possunt.

4. Quartum. Ex Paulo Apostolo, qui & Rom. Ecclesiam de fide collaudauit, & Petrum maximè fecit. Sic enim scribit ad Romanos; Primum quidem gratias ago deo meo, per Iesum Christum pro omnibus uobis, quia fides uestra annuntiatur in uniuerso mundo. Et rursus in fine: Rogo autem uos fratres, ut obseruetis eos, qui dissensiones & offendicula, præter doctrinam, quam uos didicistis, faciunt, & declinate ab illis. Ad Galatas uerò scribens, ait: Decimè de post annos tres ueni Hierosolymam uidere Petrum, & mansi apud eum diebus XV. Hinc igitur facile cognoscimus, quanti fecerit Petrum Paulus, & q̃ secundum mentem & institutionem Christi prætulerit cum alijs Apostolis, tanquam summum totius Ecclesiæ pastorem & fidei magistrum (quem & Dionysius, Pauli discipulus, Theologorum columen dixit, Alioqui iustius potuisset dicere, Veni Hierosolymam uidere Iacobum, utpote fratrem Domini, et Hierosolymæ Episcopum. Quoniam uerò sciebat, Petrum à Christo cæteris Apostolis prælatum esse

Dionysius de dominis nominibus.



esse, uenit uidere Petrum potius q̃ Iacobum. Quia Iacobus unius ciuitatis, Petrus uero totius per orbem uniuersum Ecclesiæ pastor & Episcopus erat. Vnde factum est, ut successor Petri in hodiernum usq; diem dicatur Catholicæ ( hoc est, uniuersalis ) Ecclesiæ Episcopus. Quisquis igitur ei resistit, Dei ordinationi resistit, & damnationem sibi acquirit. quia Christus ordinauit eum suarum ouium pastorem.

§. Quintum. Ex Actibus Apostolorum. Etenim cum esset eligendus alius discipulus in locum Iudæ proditoris, præ cæteris exurrexit Petrus in medio fratrum, faciens ad eos exhortationem, cum esset ibi turba hominum simul ferè centum uiginti. Hoc ergo fecit secundum officiũ & potestatem sibi à Christo traditam, quia dixerat ei, Pasce oues meas. Hoc est, tene uices meas in Ecclesia, quia uado ad patrẽ. Hoc non dixerat Iacobo, neq; Ioanni, neq; Mariæ benedictæ matri suæ. Ideo tacebant omnes alij, qui aderant, & dabant priorem locum Petro, tanquam oues pastori, & cum uenerabiliter audiebant, eiusq; admonitioni parebant. Licet Maria mater Domini longe dignior sanctiorq; esset Petro secundum se, & duo Iacobi simul cum Ioanne secundum carnem multo propinquiore essent Domino, quàm Petrus. At scientes Petro præ omnibus à Domino dictum esse;

Act. i

## DE ECCLESIA

Pasce oves meas ; prætulerūt eum omnibus, propter officium & dignitatem pastorem, quia erat Vicarius Christi. Similiter fecerunt postea & in alijs actibus publicis. Præ omnibus enim Petrus primum habuit ad populum sermonem ; & primus fuit autor sermonis super eligendis septem Diaconis, & primus dixit sententiam in primo Concilio. Vbiq; igitur primum tenuit locum, ut Vicarius Christi.

6. Sextum. Ex antiquissimis & sanctorū Patrum & generalium Conciliorum testimonijs atq; Decretis. Etenim S. Ignatius vocat Rom. Ecclesiam sanctificatam & illuminatam in uoluntate Dei, & præfidentem in loco regionis Romanorum, deo dignā, eminentia dignam, &c. Et S. Anacletus, qui se ab ipso Petro presbyterū ordinatum asse ait, affirmat hoc idem dicens: Hæc uero sacrosancta Romana & Apostolica Ecclesia, non ab Apostolis, sed ab ipso Domino saluatore nostro primatum obtinuit, &c. Item S. Irenæus : Inter Latinos omnium antiquissimus Doctor, Episcopus & martyr Lugdunensis sic ait: Sed quoniam ualde longum est in hoc tali uolumine omnium Ecclesiarum enumerare successiones, maximæ & antiquissimæ, & ab omnibus cognitæ, à gloriosissimis duobus Apostolis Petro & Paulo Romæ fundatæ & constitutæ Ecclesiæ, eam quam habet ab Apostolis traditionē, & annunciata hominibus

Ast. 2. 6.

et 15.

Ignatius

episto-

1 Ro.

Irenæus

lib. 3. ca. 3.

bus fidem, per successiones Episcoporum peruenientem usq; ad nos, indicantes, cōfundimus oēs eos, qui quoquo modo uel per sui placentiā malā, uel uanam gloriam, uel per cecitatem & malam sententiā, præter q̄ oportet, colligunt. Ad hanc enim Ecclesiam, propter potentio rem principalitatem, necesse est, omnem conuenire Ecclesiam, Hoc est, eos, qui sunt undiq; fideles. Sic & Tertullianus & Cyprianus & Augustinus ex Aphrica, Athanasius, Theophilus et Cyrillus ex Aegypto. Breuiter omnes ex toto mundo Catholici scriptores id ipsum tenuerunt, & nullus ex eis ( uno excepto Tertulliano, qui lapsus tandem in Montani hæresim, defecit ) à Rom. Ecclesia se separauit. Quinimò S. Thomas probat ex præcipuis Græcorum Doctoribus, atq; etiam ex Concilio Chalcedonensi ( sicut Athanasius ex Niceno ) q̄ de necessitate salutis sit, Rom. Pontifici subesse. Nemo igitur unquam in M. D. annis se à Rom. Ecclesia separauit, qui non sit habitus pro hæretico. Nos tamen per hæc Romanæ Curie abusus, nequaquam comprobasse uolumus, quos optimus quisq; uellet uel correctos, uel prorsus abolitos.

7. Septimum. Ex ipsius Lutheri testimonijs. Sic enim scripsit in quorundam articulorum suorū declaratione Germanica, quòd Romana Ecclesia sit à Deo præ omnibus alijs honorata, non est dubium.

## DE ECCLESIA

Ibi enim sancti Petrus & Paulus, Pontifices item Rom. 46. ac tot centena milia martyrum, sanguinem suum fuderunt, Infernum & mundum uicerunt, ut uel palpari queat, q̄ singularem habeat ad eam Ecclesiam respectum Deus. Quòd si nunc (proh dolor) ita res habet Romæ, ut expediret habere melius, Attamen neque hæc, neq; ulla alia causa tam grandis est, nec esse potest, ut ab Ecclesia illa separatio aut discessio ulla fieri debeat. Imò quanto peius res ibi habet, tanto magis accurrendū & adherendum est. Per separationem enim & contemptum non fit melius. Nec dimittendus est Deus propter Diabolum, nec uitandi reliqui boni, propter turbam prauorum, Imò propter nullum peccatum aut malum, quodcunq; excogitari aut nominari potest, debet rescindi charitas, nec spiritalis unitas diuidi. Hæc ibi. Et in eandē sententiam scripsit etiā copiosius in Cōmentario Epistolæ ad Galatas, Item in Resolutione propositionis suæ XIII. contra D. Eckium, pauit quinq; rationes, propter quas ait Romanam Ecclesiam omnibus alijs superiorem, et Romanum Pontificem alijs præferendum esse. In prima igitur sic docet, Primum (inquit) quod me monet, Rom. Pontificem esse alijs omnibus, quos saltem nouerimus se Pontifices gerere, superiorem, est ipsa uoluntas dei, quam in ipso facto uidemus. Neq; enim sine uolun-

# C H R I S T I.

uoluntate Dei in hanc Monarchiam unquam uenire  
 potuisset Rom. Pontifex. At uoluntas Dei, quoquo  
 modo nota fuerit, cum reuerentia suscipienda est.  
 Ideoq; non licet temere Rom. Pontifici in suo Pri-  
 matu resistere. Hæc autẽ ratio tanta est, ut si etiam  
 nulla scriptura, nulla alia causa esset, hæc tamen sa-  
 tis esset ad compescendam temeritatem resistentiũ.  
 Hæc ibi. Item, in resolutione XCV. propositionum  
 sic præfatur ad Papam Leonem X, Quare beatissi-  
 me pater, prostratum me pedibus tuis, tuæ beatitu-  
 dini offero cum omnibus quæ sum, & habeo, Viui-  
 fica, occide, uoca, reuoca, approba, reproba. Vocẽ  
 tuam uocem Christi in te præsentis & loquentis  
 agnoscam. Itẽ m. Circa Conclusionem LXIX. sic  
 ait, Tenentur Episcopi & curati, ueniarum Aposto-  
 licarum Commissarios cum omni reuerentia admit-  
 tere, Quia auctoritati Papali in omnibus cum reue-  
 rentia cedendũ est. Qui enim potestati resistit, re-  
 sistit dei ordinationi. Qui autẽ Deo resistunt, ipsi  
 sibi damnationem acquirunt. Et Dominus ipse, Qui  
 uos spernit, me spernit. Igitur licet in rebus exiguis,  
 nihilo tamẽ minus q̃ in magnis, auctoritati cedẽdũ est  
 Hinc illud etiam uenit, q̃ etsi Papa ferret iniustas  
 sententias, timendæ tamen sunt. Et, ut Carolus inquit  
 Imperator, quicquid imposuerit, quantumuis graue  
 sit, ferendum est, sicut & experientia uidemus fieri

## DE ECCLESIA

ab Ecclesia, quæ certè infinitis oneribus hodie premittitur, & tamen pie & humiliter fert quicta. Item Conclusionē LXXI. Contra ueritatem ( inquit ) Apostolicarum ueniarum, qui loquitur, sit ille anathema & maledictus. Quia etsi res parua sit ueniarū largitio, tamen cōtra potestatem superbe agit, qui cōtradixerit, Ideo merito maledicetur, Cū obedientia Ecclesiastica eo sit mirabilior, quo etiam in uilioribus suo sensui cedit, & humiliatur. Deniq; Conclusionē LXXXVI. sic ait: Non est nostrum, iudicare uoluntatem Papæ, sed tantummodo ferre, etiam si quando fuerit iniquissima. Ne uero quis dicat, Lutherū ista primum ex timore aut adulatione, non ex animo scripsisse, operæ precium fuerit, aliud eius afferre testimonium, quod Germanicè deinde post X. annos contra Anabaptistas euulgauit. Nos aut fatemur ( inquit ) sub Papatu plurimum esse boni Christiani, imò omne bonum Christianum, atque etiam illinc ad nos deuenisse. Quippe fatemur, in Papatu ueram esse scripturam sacram, uerum baptismum, uerum sacramentum altaris, ueras clauēs ad remissionem peccatorū, uerum prædicandi officium, uerum Catechismum, ut sunt, oratio Dominica, decem præcepta, articuli fidei. Dico insuper, sub Papa ueram Christianitatem, imò ueram nucleam Christianitatis esse. Hæc ibi Lutherus, Papæ & Romæ

# CHRISTI.

ne Ecclesie iam manifestus desertor, & publicus hostis. Hæc enim uerba in publicum ædixit Anno Domini 1528. post cædes rusticorum, & post uaria contra Papam scripta sua, posteaquàm ipse iam pridem abiecto cucullo illicite sibi copulauerat Monachalem.

Quod autem testimonium potest esse ualidius, quàm illud, quod homo sua sponte profert contra seipsum? Dicet enim ei Dominus in die iudicii iustus & tremendus iudex, Ex ore tuo iudico te serue nequam. Quemadmodum & Dauid ad interfectorem Saul regis dixit, Sanguis tuus super caput tuum. Os enim tuum locutum est aduersum te. Merito igitur time-re debent hæc diuina iudicia, quicumque; Lutherò aduersus Papam damnabiliter adherent. Nam ex ore ipsius omnes æternæ damnationis & maledictionis sententiam recipient in extremo iudicio. Ipse enim publice scripsit, & prædixit, quàm graue peccatum & animarum periculum sit, discedere aut separari à Romana Ecclesia, & obedientiam Romano Pontifici subtrahere, aut denegare. Ideo nulla prorsus relinquitur eis coram iudice Christo excusatio, nisi reuersi fuerint, unde exierunt, egerintque poenitentiam, & opera charitatis & obedientie prima fecerint, sicut fecerunt pii & Catholici maiores & antecessores eorum.

Luc. 19

2. Reg. 1

Apoc. 2

Nunc



## DE ECCLESIA

Nunc igitur stat ante ostium cordis eorum Dominus, & pulsat misericorditer per Christianum & amicabile (ut dicitur) colloquium, & pie adhortatur eos ad pacem & unitatem Ecclesiæ reparandam per clarissimos atq; grauissimos uiros, oratores atq; Theologos Papæ & Cæsaris, atq; Romanorum regis, & Catholicorum sacri Imperij principum. Qui eos omni exhortationis genere benigne ac fideliter adhortantur, ut resipiscant, & ad priorem unitatem & obedientiam erga Romanam Ecclesiam reuertantur, & in gremium matris Ecclesiæ sanctæ Catholicæ recipiantur. Si ergo salubriter eos audierint, dicet eis dominus Deus clementer, per Esaiam prophetam, Quiescite agere peruersè, discite bene facere. Si fuerint peccata ut coccinum, quasi nix dealbabuntur, Et si fuerint rubra quasi uermiculus, uelut lana alba erunt. Si uolueritis & audieritis me, bona terræ comedetis. Quòd si nolueritis, & me ad iracundiam prouocaueritis, gladius (quod absit) deuorabit uos, quia os Domini locutum est. Hæc profecto spiritus Dei uerba non sunt temere inuentum reiicienda, aut superbe contemnenda, sed attento & sollicito corde cum timore ac tremore uenerabiliter percipienda, quia os Domini mentiri non potest.

Alia.

# ALIA SEPTEM ARGUMENTA CONTRA PARTEM Protestantium.

**C**erte in Lutheri parte non est uera & Catholica Ecclesia. Ad suam enim Ecclesiam dixit Christus, Ecce ego uobiscum sum usq; ad consummationem seculi. At non dixit hoc heri aut nudius tertius, sed ante M.D. annos. Lutheri autem pars nondum XXX. annos habet. Non est igitur uera Christi Ecclesia, in qua una & sola iustificantur & saluantur homines. Nam & Lutherus ipse in Ecclesia Christi baptizatus est, & annis plus q̄ XXX. Christianus fuit anteq̄ secta eius est exorta.

2. Secundo. Catholica Ecclesia non est ad unum terræ angulum, quantumuis amplum aut latum, coartata. Scriptum est enim in Psalmis, Postula à me, Psal. 2  
& dabo tibi gentes hereditatem tuam, & possessio & 18.  
nem tuam terminos terræ. Item, In omnem terram exiuit sonus eorum, & in fines terræ uerba eorum.  
Et Christus ipse ait ad Apostolos suos, Euntes ergo Mat. 28.  
docete omnes gentes. Item, Euntes in mundum uni- Marc. 16  
uersum, predicate Euangeliiū omni creaturæ. Item,  
Et eritis mihi testes in Hierusalem & in omni Iu- Act. 1.  
dea & Samaria, & usq; ad ultimum terræ. Atqui secta Lutheri nequaquam sic dilatata est, Ergo non

B potest

## DE ECCLESIA

potest dici Catholica Ecclesia. Quicquid igitur ab Augustino in q̄ plurimis libris, Epistolis & sermonibus dictum & scriptum est aduersus partem Donati, hoc itidem nunc contra partem Lutheri dici ac uerè obijci potest. Sunt autem innumera et scriptura & rationes, quas in Donatistas produxit Augustinus. Ergo & in partem Lutheri possent, si opus foret, innumera scriptura & rationes in medium afferri. Magna est igitur in Christum blasphemia, si Ecclesia, ipsius hæreditas & possessio, sic contrahatur falsa opinione ad unum terræ angulum.

3. Tercio. Nihil hætenus firmiter & concorditer in parte Lutheri cōstitutum est. Etenim ipse Lutherus contra seipsum maxime uarius & contrarius est in doctrina, sicut ostensum est à plerisq; in Antilogijs, Antilutheris, & Septem Capitibus eius. Sed et pleriq; ex complicibus eius ab eo in multis dissentiant, sicut ipsemet non semel publice conquestus fuit. Præterea in nouis suis ordinationibus usq; adeo uagi uarijq; & incerti atq; instabiles sunt, ut nulla ferè Ecclesia, in omnibus finibus eorum, cum altera etiam p̄xime iuncta, per omnia cōueniat. In tali autem discordantia, uarietate & instabilitate non potest esse uera Christi Catholica Ecclesia, nec spiritus sanctus, Ecclesiæ paracletus, qui cum uera Christi Ecclesia manet in æternum. Quia non dissensio-

nis.

# CHRISTI.

nis, sed pacis & unitatis Deus est. Et Christi Eccle-  
sia non est mutabiliter in arena aut flumine aliquo  
fundata, sed super firmam petram, Petra autem erat  
Christus. Non potest igitur uera Christi Ecclesia  
esse in tot tantisq; rituum sententiarumq; mutatio-  
nibus, quæ sibi inuicem manifeste contradicunt, &  
faciunt, q; homines usq; adeo negligenter curant  
quæ Dei sunt. Pro uera enim Ecclesia sic orat patrē  
ipse Dominus, ut sint unum, sicut nos unum sumus.  
Et Paulus Apostolus, Vt sitis ( inquit ) unanimes,  
uno ore laudantes Deum. Et non sint inter uos schis-  
mata, &c. Romana igitur Ecclesia, quia super pe-  
tram fundata est, stabilis in fide semper mansit. Sic  
enim testatur hoc sanctus Lucius martyr & Pontifex,  
Hæc sancta & Apostolica, mater omnium Ec-  
clesiarum Christi, Ecclesia, per Dei omnipotentis  
gratiam, à tramite Apostolicæ traditionis nunquam  
errasse probatur, nec hæreticis nouitatibus depra-  
uanda succubuit, sed ut in exordio normam Chris-  
tiane fidei percepit, ab autoribus suis Apostolorū  
Christi principibus, illibata fide tenus manet.

4. Quarto. Non potest Lutheri pars negare, q;  
Rom. Ecclesia sit prima & præcipua, quæ Germa-  
nos & fidem Christi docuit, & in Christo per Ba-  
ptismum regenerauit. Impie igitur faciunt nunc,  
quicunq; Luthero adherent, contra omnem scriptu-

1. Cor. 14

Matt. 16.

Ioan. 17.

Rom. 15.

1. Cor. 1

24. q. 1.

c. à recta

## DE ECCLESIA

**Prou. I.** pluram, q. legem matris suæ dimittunt, et rupto unitatis uinculo, se ab ipsa separant. Quod igitur uera Ecclesia Christi non sint, facile probatur hoc S. Cyprian. priani graui & aperto testimonio, Nemo æstimet de simpli bonos de Ecclesia posse discedere, Triticum non raticitate præpit uentus, nec arborē solida radice fundatam prolatorum. cella subuertit. Inanes paleæ tempestate iactantur, inualidæ arbores turbinis incurfione euertuntur.

**I. Ioan. 2.** Hos execratur & percutit Ioannes Apostolus, dicens: Ex nobis exierunt, sed non fuerunt ex nobis. Si enim ex nobis fuissent, mansissent nobiscum. Hinc hæreses & factæ sunt, frequenter et fiunt, dum peruersa mens non habet pacem, dum perfidia discordans non tenet unitatem. Hæc ille, minime profecto leuis, aut contemnendus autor.

**S. Quinto.** Nō potest esse uera Christi ecclesia, quæ nullos habet legitime ordinatos Episcopos & presbyteros. Sicut S. Ignatius, Apostolorū synchronus, & post eum S. Cyprianus, uehemens ille separationis detestator, & S. Hieronymus, fortis ille malleus hæreticorum ( ut de reliquis breuitatis gratia taceamus ) plane affirmant. Verba Ignatij sunt hæc in Epistola ad Philadelphenses, Sicut ergo filij lucis, fugite diuisionem unitatis. Vbi est pastor, illuc sicut aues congregamini. Quotquot enim sunt Christi, ipsi sunt Episcopi. Qui autem declinant eum, uel

communionem eius, et sociant se cum maledicis, ipsi  
 cum illis simul abscinduntur. Cyprianus autem ad Cypri. li.  
 Pupianum sic scripsit, Loquitur illic Petrus, super 4. epist. 2.  
 quem edificanda fuerat Ecclesia, docens, etsi con-  
 tumax & superba obaudire nolentium multitudo  
 discedat, Ecclesia tamen Christianorum non rece-  
 dit, Et illi sunt Ecclesia, & plebs sacerdoti adu-  
 nata, & pastor suo gregi adherens. Vnde scire de-  
 bes, Episcopum in Ecclesia esse, & Ecclesiam in  
 Episcopo, Et eos qui cum Episcopo non sunt, in Ec-  
 clesia non esse. Et S. Hieronymus, contra Luciferia-  
 nos scribens ait, Hilarius, cum Diaconus de Ecclesia  
 recesserit, solusq; ut putat, turba sit mundi, neq; Eu-  
 charistiam conficere potest, Episcopos & presby-  
 teros non habens, neque Baptisma sine Eucharistia  
 tradere. Et cum iam homo mortuus sit, cum homine  
 pariter interiit & secta, quia post se nullum clericū  
 Diaconus potuit ordinare. Ecclesia autem non est,  
 quæ non habet sacerdotem.

6. q. Sexto. Non potest esse uera Christi Ecclesia,  
 quæ antiquorum hæreticorum dogmata iam olim  
 à Catholica Ecclesia damnata, uelut ex fauilla resu-  
 scitat. Hoc autem facit pars Lutheri, uti publice ge-  
 status est Augustissimus Cesar noster in Edicto  
 Vñormatiensi. Et patet hoc ipsum unicuiq; ueterum  
 hæreticorum, ut Leonistaram, Vualdensium, Pig-



## DE ECCLESIA

hardorum, Albigenſium, Vuiclephitarum, & ſimili-  
 um articulos damnatos, intuenti. Vnde & Luthe-  
 Luthē. in rus ipſe turpitudinem propriam reuelans ait, Si lo-  
 aſſertio- annes Huſ hæreticus fuit, ego decies hæreticus exi-  
 ne ar. 30. ſto. Non eſt igitur in parte eius Eccleſia uera.  
 7. Septimo. Non poteſt eſſe uera Chriſti Eccle-  
 ſia, quæ non habet legitimæ ac certas ordinationes  
 clericorum, & ſucceſſiones Episcoporum, Quem-  
 In lib. de admodum teſtatur aduerſus hæreticos Tertullianus  
 præſcri. dicens, Ordinationes eorum temerariæ, leues, incon-  
 hæretico ſtantes, nunc Neophitos conlocant, nunc ſeculo ob-  
 rum. ſtriſtos, nunc Apoſtatas noſtros, ut gloria eos obli-  
 gent, quos ueritate non poſſunt. Hoc autem eſt con-  
 tra Paulum, qui ait, Omnia in uobis honeſte & ſe-  
 I. Cor. 14. cundum ordinem fiant. Et ſpiritus ſanctus de Eccle-  
 Cant. 6. ſia ait in Canticis, Pulchra ut Luna, electa ut ſol, ter-  
 ribilis ut caſtrorum acies ordinata. Cum igitur in  
 parte Lutheri ſint ordinationes leues & inordinatæ,  
 per quas ex laicis mox per ſaltū, contra antiquæ  
 Eccleſiæ ritū, ſacerdotes facere ſe putant, non po-  
 teſt uera eſſe Eccleſia, quia proſus nullam habet le-  
 gitime ordinatorum Episcoporum ſucceſſionem. Si  
 Irenæus ergo ſatis fuit olim Irenæo contra hæreticos ſui tem-  
 lib. 3. c. 3. poris enumerare ſeriem Rom. Pontificum XVI. aut  
 Auguſti- XVII. & Auguſtino ſatis fuit contra Donaſtitas  
 nus in epi recensere Episcoporum XL. nomina, qui certa ſerie  
 ſtolæ 1. 65 ſucceſſe-



CHRISTI.

Successerant in sede Apostolica; Quanto magis nobis satis esse debet aduersus oēs. sectas nouas huius temporis, q. possumus plus q. CCXXX. secundū ordinē cōmemorare Ro. Pontifices in sede apostolica?

Hic est igitur totius contentionis nostræ scopus, hic rerum cardo, hic totius causæ status, nempe utra partium sit uera & Catholica Christi Ecclesia. Certè nemo Catholicorum usquam aut unquam repertus est, qui se à Romana Ecclesia separauerit, sicut separant se nunc Protestantes, qui etsi sub Romana ecclesia nati et Christiani facti sunt qui cunq. XXII. annos nati sunt, audent tamen nunc impudenter nomen ueræ & Catholicæ Ecclesiæ tum sibi arrogare, tum Romanæ Ecclesiæ abrogare, ac Gigant eo quodam furore detrahere, matremq. suam oppugnare, & in eius uiscera grassari, quod præter serpentes nullum aliud facit animal: Nisi igitur primo quôque tempore ab hoc disidio suo desistant, nullam prorsus salutis æternæ spem habere possunt, quia sunt extra corpus & ouile Christi (quod est Ecclesia Catholica) Proinde in die iudicij, non à dextris Christi inter oues, sed à sinistris inter hircos stent, necesse est, tanquam filij perditionis, & titiones æterni incendij, nisi resipuerint. Quid proderit igitur eis tunc scientia scripturarum, qua nocentiſſime nunc inflati sunt?

## DE ECCLESIA

1. Cor. 8. Percutit enim eos Apostolus, ubi ait ad Corinthios,  
 & 13. Scientia inflat, charitas autem aedificat. Item, Et si  
 habuero prophetiam, & nouerim mysteria omnia,  
 & omnem scientiam, Et si habuero omnem fidem,  
 ita ut montes transferam, charitatem autem non ha-  
 buero, nihil sum. Nihil igitur spei ad eternam uitam  
 & salutem eis reliquum esse potest, q̄ diu cōtra cha-  
 ritatem in scismate et discordia permanserint. Deus  
 Opt. Max. efficiat per immensam bonitatem & cle-  
 mentiam suam, ut tam ingens ac præsens animarum  
 suarum, omniumq; sibi adherentium periculum exa-  
 pendant & agnoscant, atq; salubriter in gr̄m  
 piæ matris Ecclesiæ Catholicæ reuertantur, ac  
 omni discordiarum & uulnere sanato & cicatrice  
 obducta, ex animo læti nobiscum cōcinant illud Da-  
 uidicum, Ecce q̄ bonum & q̄ iucundum, habitare fra-  
 tres in unum.

Cæterū reliqua, quæ de Ecclesia disceptāt in Apo-  
 logia, nequaquam tanti sunt momenti. Magis enim  
 uerbalem q̄ realem afferunt cōtentionem. Et si enim  
 negant, malos, quos impios uocant, esse uerā Eccle-  
 siæ membra, tamen concedunt, malos in hac uita ad-  
 mixtos esse Ecclesiæ, & officia in Ecclesia gerere,  
 et uera Christi sacramenta administrare, uerbumq;  
 et sacramēta efficacia esse, etiamsi tractentur à malis,  
 qui cum bonis habent externorum societate signo-  
 rum.

## CHRISTI.

rom. Ad hoc enim fatendum coguntur apertissi-  
 mis Christi parabolis de sagena bonos & malos pi-  
 sces congreganti, de tritico & zizania, de frumen-  
 to & palea, de prudentibus & fatuis uirginib. &c.  
 Curiosa est igitur magis q̄ necessaria ista de Eccle-  
 sia, quam dicunt esse congregationem sanctorū, con-  
 tentio. Nam & nos nusquam dicimus, impios esse  
 membra Ecclesiæ triumphantis. Scimus enim scri-  
 ptum esse, Bonos collegerunt in uasa sua, malos au-  
 tem foras miserunt. Item, Exhibunt angeli, & separa-  
 bunt malos de medio iustorum. Sed hoc erit in con-  
 sumatione seculi, nō in hac uita. Ventilabrum enim,  
 quo separari debet palea à frumento, non in nostra,  
 sed in Christi manu est. Non enim nos in hac uita  
 uere scire possumus, quis nā uere bonus aut uere ma-  
 lus sit. Ecclesia enim de occultis nō iudicat. Quare  
 id iudicij ad eum dūtaxat pertinet, de quo scriptū  
 est, Scrutator cordis & renum. Item, Ipse enim no-  
 uit abscondita cordis. Item, Ipse enim sciebat, quid  
 esset in homine. Quare non licet nobis pronunciare  
 neq; de alijs, neq; de nobismet ipsis, q̄ simus iusti,  
 aut uera membra Christi Ecclesiæq; aut regni eius,  
 in hac uita, nisi quantum ad externa spectat. De in-  
 ternis enim & occultis relinquendum est Christo  
 iudicium. Sicut recte ait Apostolus, Neq; iudico me  
 ipsum, Nihil enim mihi conscius sum, sed non in hoc  
 iustifi-

Matt. 13.

ibi. 3.

Hierc. 17.

Psal. 43.

Ioan. 2.

## DE ECCLESIA.

Iustificatus sum. Qui autem iudicat me, dominus est.  
 Friuola est igitur Apologiæ temeritas in plerisque lo-  
 cis, ubi homini arrogat istud, quod est dei solius, iu-  
 diciū, & uult, ut homo certissime credat, & sciat, se  
 esse in gratia dei, atq; in numero saluandorū, & ha-  
 bere omnium peccatorū suorum remissionē, uerumq;  
 & uiuum se membrū esse Ecclesiæ, quod ad regnum  
 Christi etiā in futuro seculo pertineat, ppter Chri-  
 stū, qui pro nobis passus est. Hæc pfecto insufficiens  
 est ratio. Non enim pro nostris tantū, sed etiam pro  
 totius mundi delictis passus est, non tamen totus pro  
 pterea mundus saluabitur, quia nō omnes sunt Chri-  
 stiani, & inter Christianos nō omnes seruant Chri-  
 sti mandata. De quibus ipse dixit, Si uis ad uitam in-  
 gredi, serua mandata. Vanc igitur pmittunt sibi sa-  
 lutē Lutherani per hanc Christi pmissionē, Qui cre-  
 diderit et baptizatus fuerit, saluus erit. Eā enim nec  
 recte intelligūt, nec populo recte exponūt. Rectissi-  
 me autē exponit eam Christus ipse, per hoc qd' alibi  
 ait, Non omnis qui dicit mihi, Domine, dūc, intrabit  
 in regnū cœlorū, sed qui facit uoluntatē patris mei,  
 ipse intrabit in regnū cœlorū. Et alibi. Qui diligit  
 me, mādāta mea seruat. Qui nō diligit me, mandata  
 mea nō seruat. Er rursus. Qui diligit me, sermonem  
 meum seruabit. Item, Multi in illa die dicent mihi,  
 Nonne in nomine tuo pphetauimus? &c. Nō sufficit  
 igitur

LUC. 10

MAT. 7

IOAN. 14.

MAT. 7

## CHRISTI.

igitur credere, et nō operari bene: sed oportet cre- Galat. 5.  
dere, & per dilectionē operari, & usq; in finem in  
bono perseuerare, iuxta illud domini, Qui perseue- Matt. 10.  
rauerit usq; in finē, hic saluus erit. Et hic demum illa  
Christi pmissione ( Qui crediderit, etc ) dignus esse  
censebitur, & non quilibet baptizatus. Qui enim di Mat. 5  
xerit fratri suo, satue, reus erit gehennæ ignis.

Quod aut Philippus in Apologia longa digressi-  
one multa interserit de ritibus & traditionib. Eccle-  
siæ, tanq̃ ad iustitiā fidei nihil faciant, superuacanea  
est contentio, & ad alium spectat articulū. Ad quam  
sanē contentionē nos breuiter dicimus hic, Eiusmodi  
ceremonias atq; traditiones Ro. Ecclesiæ, haud recte  
per contemptū dici hominū inuenta et humanas tra-  
ditiones, eas præsertim, quæ tot sæculis ab uniuersali  
Ecclesiā receptæ, ac lōgissimo usu cōpbatæ sunt, q̃  
spiritus sancti potius, q̃ hominū inuenta sunt, iuxta il-  
lud uerbū domini, Non enim uos estis, qui loquimini,  
sed spiritus patris uestri, q̃ loquitur in uobis. Et iuxta Matt. 10.  
illud eiusdē, Ille uos docebit omnia, & suggeret uo-  
bis omnia quæcūq; dixero uobis. Nec recte negatur  
cas ad cultū dei pertinere, quādoq; dem principaliter  
in cultū & honorē dei ordinatæ atq; institutæ sunt,  
potius q̃ ad iustificationē aut remissionē peccatorū  
cōsequendā, sicut falso imputat catholicis Philippus  
Quanto enim sanctiores & iustiores sunt homines,

tanto

## DE ECCLESIA.

tanto gratiores & acceptiores Deo sunt Ceremoniæ, quas in honorem Dei faciunt. Quemadmodum scriptum est de holocaustis Noë, Odoratusq; est Dominus odorem suauitatis super altare. Et in Apocalypsi uidit Ioannes phialas plenas odoramentorū, quæ sunt orationes sanctorum. Contrà uerò de minorū ceremonijs ait Dominus in Esaia, Quo mihi multitudinem uictimarum uestrarum? Ne offeratis ultra sacrificium frustra. Incensum abominatio est mihi, &c. Magis igitur pro iustificatis, q̃ pro iustificandis institutæ sunt Ceremoniæ, ut seruiamus deo in sanctitate & iustitia coram ipso omnibus diebus nostris. Requirit enim Deus à nobis huiusmodi honorem, sicut ait per prophetam Malachiam, Si ergo pater ego sum, ubi est honor meus?


\*

FINIS.









THE MUSE OF HISTORY, AND THE MUSE OF POETRY,  
 IN THE MUSE OF HISTORY, AND THE MUSE OF POETRY.



THE MUSE OF HISTORY, AND THE MUSE OF POETRY,  
 IN THE MUSE OF HISTORY, AND THE MUSE OF POETRY.

*Stulte quid est mundus, mortis nisi causa futura?  
En ruit in uitijs, en perit ille suis.*



*1. Ioan. 2.*

*Mundus transit, & cōcupiscentia eius.*